

PROJEKAT UNAPREĐENJA LOKALNOG RAZVOJA (GOLD)

Program pomoći od američkog i švedskog naroda

Godišnji poziv za dostavljanje projektnih prijedloga (APS) broj APS1-2014: lokalni ekonomski razvoj

Projekt unapređenja lokalnog razvoja (GOLD), kojeg finansiraju Agencija Sjedinjenih Američkih Država za međunarodni razvoj (USAID) i Švedska agencija za međunarodni razvoj i saradnju (Sida), putem svog Grant programa nastoji povećati nivo ekonomske aktivnosti na području 47 odabranih općina u BiH sa fokusom na prilike gdje postoji mogućnost velikog ekonomskog rasta, potencijal za ulaganja, te za kreiranje radnih mjesta visoke vrijednosti. USAID Sida GOLD projekt poziva na dostavljanje konceptnih papira/prijava kako bi finansirao aktivnosti koje su usmjerene na ostvarivanje rezultata, a u čijem fokusu je: (i) kreiranje novih radnih mjesta; (ii) povećanje iznosa domaćih i stranih direktnih ulaganja; (iii) povećanje iznosa od prodaje/prihoda; i (iv) povećanje izvoza; a sve unutar tri ključne oblasti: općinski razvoj (javno-privatna partnerstva, obuka i širenje informacija, te stvaranje povoljnog poslovnog okruženja), razvoj poslovanja (razvoj poslovanja i inovativnost u poslovanju, istraživanje i razvoj) i razvoj radne snage (razvoj vještina i pripravnici programi).

Kvalifikovani primaoci grantova u okviru USAID Sida GOLD projekta su ne-američke organizacije, profitne ili neprofitne, koje su osnovane u skladu sa propisima u BiH. Ovisno o dostupnosti sredstava, USAID Sida GOLD projekt planira dodijeliti veći broj grantova u iznosu između \$5,000 i \$100,000. Od aplikanata će se očekivati da snose dio troškova aktivnosti iz granta, bilo u gotovini ili naturi, u iznosu koji ne može biti manji od 50% ukupnog utroška aktivnosti iz granta. Podugovaranje u okviru grantova nije dozvoljeno.

Grantovi će se dodjeljivati putem potpunog i otvorenog konkursa koji se sastoji iz dva koraka u procesu apliciranja, koji uključuju Godišnji poziv za dostavljanje projektnih prijedloga, nakon kojeg će se slati poziv za dostavljanje aplikacije za grant sredstva. Konceptni papiri koji budu podneseni kao odgovor na ovaj Godišnji poziv ocjenjivat će se na osnovu sljedećih kriterija: projektni ciljevi, očekivani rezultati, izvodljivost dizajna i pristup, održivost, organizacijski kapaciteti i prethodni rezultati, te pitanje ravnopravnosti spolova i uključenosti mladih. Samo oni aplikanti koji dostave najuspješnije konceptne papire bit će pozvani da dostave i potpunu aplikaciju na grant. Grant aplikacije i papiri primat će se kontinuirano sve **do 31. Jula 2015.** Godine. Aplikanti se snažno ohrabruju da apliciraju do kraja roka koji važi za **prvi krug prijava, a to je 22. Avgust 2014.** godine, kako bi osigurali da njihov konceptni papir bude uzet u razmatranje u skorije vrijeme. Puni tekst Godišnjeg poziva za dostavljanje projektnih prijedloga i obrasca Konceptnog papira sa smjernicama možete preuzeti sa slijedećeg linka: http://goldproject.ba/ba/?page_id=343. Objavljivanje ovog Godišnjeg poziva poziva za dostavljanje projektnih prijedloga ne obavezuje USAID Sida GOLD projekat na dodjelu grant sredstava, niti obavezuje USAID Sida GOLD projekat da snosi troškove koji nastanu tokom procesa pripreme i predaje konceptnih papira ili aplikacija.

Ljubljanska 9, 71000 Sarajevo, BiH Kontakt telefon: +387 33 944 999